

mea, ko te whare-Minita kia whakaotia, ko nga urupa kia whakapaia, ko nga taiepa mo te whare-karakia, mo te whare Minita kia ruritia, kia hangaa.

*Whakaaetia ana.*

I whakaaria e Te Irimana Paeuta, i tautokona e Ahipene Rangi ;

Kia whiriwhiria he Komiti hei tiroiro i te mahinga a nga tangata o te Hahi i ia wahi, i ia wahi, i nga whakahaunga a te Hui i enei tau kau mahue ake nei ; kia whakahokia mai hoki he korero ki te Hui apopo.

Nga tangata mo tenei Komiti, ko Te Wiremu, Atirikona, ko Mohi Turei, Minita, ko Matiaha Pahewa, Minita, ko Te Irimana Paeuta, ko Riwai Pakerau.

*Whakaaetia ana.*

I whakaaria e Karaitiana Ratapu, i tautokona e Rihara Te Rangamaro, Minita ;

He ki atu tenei ki te Pihopa kia pataia atu e ia ki nga kai perahi pukapuka Maori i Ingarani me kore e ahei kia perehitia he mapi reo Maori hei whakaatu i nga rohe wehewehe o nga Pariha o nga Pihopatanga o Niu Tirani nei.

*Whakaaetia ana.*

Kei konei ka nukuhia te Hui ki te Turei, 9 o Tihema, ki te 10 o nga haora.

I panuitia, i whakapumautia, 9 o Tihema, 1884.

EDWARD C. WAIAPU,  
Upoko.

TUREI, 9 TIHEMA, 1884.

I huihui ano ki te Whare-karakia i te 10 o nga haora.

Timataia ana e te Upoko ki te inoi ; muri iho ka panuitia, ka whakapumautia nga tuhituhinga o nga mahi onanahi.

I whakaurua mai a Te Hatiwira Te Houkamau ki roto ki te Hui.

I whakaaria e Karaitiana Ratapu, i tautokona e Epeniha Hauteepa ;

Kia takoto he kupu ki nga tangata kua whakaritea hei kai-karakia mo ia kainga, mo ia kainga, kia kauaka rawa e tukua atu te karakia o o ratou kainga ki te tangata tauhou ina puta mai. Ma nga Minita anake o te Hahi, ma te kai-karakia ranei o tetahi kainga ka tae mai, ka riro ai te Karakia i te tangata ke.

*Whakaaetia ana.*

I whakaaria e Te Irimana Paeuta, i tautokona e Pineamine Huhu ;

Kia whakaritea he pukapuka ki roto ki ia whare-karakia, ki